

醫問原

卷上



咸豐辛酉鑄

醫因原

續集嗣出

留耕書屋藏板



序

道之大原出於天凡道之所分寄亦必探原於天醫其
一端也蓋天之道不外陰陽五行稟陰陽五行之精氣
而人生焉感陰陽五行之戾氣而人病焉然非見道之
儒者又孰從而探之吾友石子芾南淮北名孝廉也才
識既高學術並茂其於五子之書百家之論莫不探微
抉奧體用兼賅而又以其餘力考岐黃闡內難陰陽有
辨五行有分耳目口鼻之司肌膚筋骸之會動靜燥濕
之宜凡和緩之所未發倉扁之所難言莫不因入見天

葆其天之所本有治其天之所本無以人治人實以天
還天而已吾與石子交最久叩其學甚深他日嘗憫醫
家之不通儒術率皆昧於其原而僅逐其末也著醫原
二十篇因病之原探醫之原並探其原中之原披閱之
下益信石子之學爲有原也乃或者曰醫小道也儒者
亦爲之耶夫就醫論醫其小之也固宜若醫而探原於
天則因醫見道苟非學貫天人又安能悟天人合一之
旨則卽小以觀大可也雖然是書之成在醫家必奉爲
圭臬在作者特出其緒餘焉耳一旦居宰衡之任司燮

理之權必能究致治清濁之原而壽人壽世良相良醫
不難以一人收其全功而天下亦共知儒術之大陰陽
五行之蘊天人一原之理無乎不在也斯篇其石子之
嚆矢也夫是爲序

咸豐十一年歲次辛酉孟夏月同里愚弟張星亘子綿
頓首拜撰

自序

余家事醫學。歷七世於茲矣。憶自入塾受書時。略明句讀。先君子卽授以醫家言。命與四子書並讀。嘗謂業

醫而不讀書。有終身由之而不知其道者。且爲人子而

不知醫。亦非孝也。爰爲

壽棠

立程課朝而儒夕而醫。歷

數十寒暑。如一日。雖習舉子業。未嘗或忘。家慈又體

質素弱。醫藥不離。每侍疾時。與醫家參以診劑。輒頗得

效。自是尤三致意焉。年來公車粟六迄無暇時。復以南

北烽烟逼近鄉里。邑侯延余倡辦團練。每於夜巡稍暇。

人靜更闌重述 先子之緒言因彙前賢之全說凡四
閱月得醫原二十篇非敢以言壽世也但求無負
人之意且敬承世業云爾嗚呼 父書幼讀愧守箴
庭訓未忘感深風木此則有益增余慟者矣

咸豐十一年歲次辛酉仲春月上浣安東石壽棠芾南
書於留耕書屋



跋

奎不敏業醫三十年讀書不多而又僻處於鄉無所聞
見未嘗不慙且懼也日遇朱雨笙茂才讀石孝廉醫原
二十篇綜義文之要旨發靈素之精思醫者知之卽非
醫者亦一見而瞭然焉所謂白香山詩老嫗可解有如
是耶家置一編資以參會裨益非淺鮮也因慙惠付梓
以公諸世而綴數語於篇末云

咸豐十一年歲次辛酉孟夏月鄉愚弟周秉奎頤貞頓
首拜跋

敘

萬物之生負陰而抱陽沖氣以爲和故上古之人其知
道者法於陰陽和於術數陰陽者術數之本術數者陰
陽之著而非知道不能醫可易言乎哉醫之道譬若官
牆辨虛實審寒熱其門徑也門徑苟差何由升堂入室
乎世人涉獵方書講求形證自以爲能是猶寢饋於門
戶之間不復知有堂室矣而或者高語內難虛言脈要
則又如天際之翔出於豐屋之上奧窔之間畢生莫睹
二者雖異其弊則均蓋人之生也有原則其所以病亦

有原明乎其原而後鍼石之投湯液醪醴之設非臆度而懸揣而因得收效於一時不然毫釐千里之差生死呼吸之所繫醫顧可易言乎哉石子芾南余初識之於京邸恂恂若無能者嗣聞其善醫視其方亦似與人無殊特者而應手輒效叩之以其故則曰世人習用之方大率類此而輕重之準剛柔之質先後之宜非識者難言之矣客冬以團練之役訪之於漣城就詢時務雖一鄉一邑之設施而洞見癥結因地制宜亦如隨證立方焉洵醫國之妙手而非無本之談也因求其所著醫原

讀之本末貫串文字昭晰可以一見瞭如而欲窮其義
蘊輒有望洋之嗟信乎能達其原而岐伯之奧旨仲景
之祕思中法西法之妙用一以貫之矣夫欲上太行必
恃車馬欲導積石必恃舟航世之掇拾類書強記藥性
衣食於醫者或無取乎是書若立志活人而欲進於古
之知道者則是書實醫家之車馬舟航矣故亟懇憑付
梓而書數言於篇首以告世之學醫者時咸豐十有一
年辛酉夏月清河愚弟吳昆田謹敘而不識其所以然

雖使和緩耳提鼓黃面命終如不悟其原何哉石子居

敘

吾友石子芾南以名孝廉而精於醫著醫原一書脫稿
時適在余署中漏沈沈三四下一燈熒然猶握管疾書
灑灑數千言徹夜不倦每卷成輒以示余余雖不知醫
而喜其名理湛然使余心若有會也蓋嘗觀世之業醫
者矣表裏非不知也虛實非不辨也寒熱燥濕非不講
剛柔動靜非不明也而臨症用藥或拘於成見或囿於
方書或迷於疑似往往能言其當然而不識其所以然
雖使和緩耳提岐黃面命終如不悟其原何哉石子居

家孝友接物以誠處分鄉里事人人皆得其歡心今夏
皖賊掠境督鄉團嚴守禦一邑賴以安程子所謂我亦
有丹解壽斯民者石子幾焉顧僅以醫鳴耶夫石子幼
有壯志長躋禮闈不得已而舉親親之誼仁民愛物之
誠一發之於醫當其望色聞聲問證察脉暴病痼疾選
劑擇材輕重雜投霍然并解如霖潤物如風噓雲苟非
深識其原何以洞見癥結如此余簿書荒廢自慚無文
聊綴數言以誌景仰讀是書者親親以立其本仁民以
施其用愛物以廣其施謂石子濟世之一端也可謂石



子濟世之全體大用也

咸豐十有一年辛酉春月道銜特用知府署泰州分司

愚弟杜文瀾小舫謹敘

男崇慶子醇校

卷上

人身一小天地論

陰陽互根論

五行生克論

陰陽治法大要論

攝機論

衛氣行度一經星經天論

營氣行度一經水行地論

百病從創論

以病須察神氣論

問醫須察陰陽論

醫原

改

二



醫原目錄

安東石壽棠甫南學

弟壽霖沛亭同參

男宗慶子醇校

卷上

人身一小天地論

陰陽互根論

五行生克論

陰陽治法大要論

樞機論

衛氣行度一經星經天論

營氣行度一經水行地論

百病提綱論

望病須察神氣論

聞聲須察陰陽論



問證求病論

切脈源流論

卷下

內傷大要論

濕氣論

燥氣論

論張仲景傷寒論

女科論

兒科論

用藥大要論

醫宜識字論



醫原卷上

安東石壽棠芾南學

弟壽霖沛亭同參

男宗慶子醇校

人身一小天地論

人稟陰陽五行之氣以生於天地間。無處不與天地合。人之有病。猶天地陰陽之不得其宜。故欲知人。必先知天地。易曰。立天之道曰陰與陽。立地之道曰柔與剛。蓋剛柔之質。卽陰陽之氣所凝結。故程子曰。凡有氣。莫非天。凡有形。莫非地。又曰。地氣不上騰。則天氣不下降。天



南京中醫藥大學圖書館版權所有